

DYÀMWÀMWÀ DYÀ CILÀMBÀ

CIKÙDIKA CYÀ CIKONDO



Ndi muswè kumanyisha mwab'ewu ne masambila ènù mmandàmùnyiiibwe, mmasangisha àà bwena atùvwà naawu pàncìvwà ku mbangilu kwà mudimu wànyì wà bwambi, kùkaadi bidimu byàbúngì. Ncitu kacya... Kátùvwa nànsha ne pàà kusòmbesha bantu to. Nènku tuvwa tupeta myaba yà madimi ne bikwàbò byònsò, bàvwa bafwànyine kwikala búngì bukùmbàna kuntwaku pa díbà isàtù jaaaja, bwà kuuja mwaba awu tètè. Bàvwa benzejiibwe bwà kukànga biibi, kabàvwa mwà kubàbweja to. Pèètù tùvwa tukufika ànu pa díbà mwandamutekète. Nwamònu anyi? Ànu binunu biìcikila bifùmina nseke yònsò. Ànu . . .

² Ke mèmè kwangata malòlò àtaanù à ndekeelu mu masangisha à ndekeelu, ne kushìndamijila ànu pa Díyì, kubanga kumòna bukolè bùvwà naabò Díyì. Nwamònu anyi? Bwalu, Díyì n'Nzambì. Nwamònu anyi? “Ku cibangidilu kwàkadi Díyì, Díyì dyàkadi ne Nzambì, ne Díyì dyàkadi Nzambì. Ne Díyì dyàkavwijiibwa mubidi ne dyàkasòmbela munkaci mwètù.”

³ Mpindyewu, Ebèlù 4 mmwambè nàнку, ne: “Díyì dyà Nzambì nditwè kutàmba mwelè wa mvità wà nseke yìbìdì.” Nwamònu anyi? “Díyì dyà Nzambì nditwè kupita, ditùbula too ne ku ditàpulula dyà mufùbà, ne dikòsa, ne dìjinguludi dyà meeji à mu meeji, mu mwoyi.” Nwamònu anyi? Kì cyòci aci, Díyì dyà Nzambì.

⁴ Pashìishe kwòkò kwikàle dipà dyà twetu mwà kudilekelelakù ànu cyanààna; ne Díyì, Dyòdì diinè, didì Kilistò, Yèyè udi Díyì awu, ùbwela munda mwètù, ne ùjingulula meeji à mu meeji, munùdì bamòne cyòci eci. Nwamònu anyi? Mbilenge byà dikèma. Nènku, pa kumòna cidiYe mwenze ne mùshindù ùdiYe mutùbènèshe! Nènku díbà adi . . .

⁵ Aci, ndi ngùmvwà ne, kuciibakila ku nyùngulukilu wa Díyì adi munda mwà malòlò ànaayi, kulekela ànu bantu basòmbè hòlàà, ne díbà adi kudilekelela ànu cyanààna, nènku Nyumà Mwìmpè mmufwànyine kubiikila bantu ne kwenza bintu mu batèeleji amu.

⁶ Ne pashìishe, mu dilòlò dyà ndekèèlu adi, mu dyàlumingu dishàale mu mapingaja, mèmè kumòna ùmwè wà ku milongo mitàmbe bulenga yà babèèdì yinkaadiku mumòne mu Àmèrikè emu. Nwamònu anyi? Bàvwa . . . Mvwa mutùme Billy ne twartà lukàmà, ne Gene ne lukàmà, ne Leo ne lukàmà, ne Roy ne lukàmà, baabanye ànu twartà twònsò atu, tutwè ku

nkàmà yitaanu. Ne pashìishe paanyimà pàà bòbò bamanè kumòna Dìyì dikwàta mudimu, ne cìvwàDi mwà kwenza aci, pashìishe kushààla ànu pa Dìyì adi mpindyewu, kubàtwàla ku cibùmbà cyà ku cyambilu. Ki mémè kumòna balùme ne bakàjì biimansha mabaya àbò à balèmà, ne bikwàbò, ne bøndopiibwa kumpàla mene kwà kufikabò ku cibùmbà cyà ku cyambilu, ànu pa kumòna. Nwamònu anyi? Dìyì dyà Nzambì dikaadi dimane kupàtuka, dipàtùke diyè kwàka, ne dijaame mu Mayiisha àtaanu, anyi Mayiisha ànaayi, munda mwà myoyi yàbò, too ne mwàkaCìitabuujàbo ne mwoyi wàbò mujimà. Pashìishe, cintu cimwèpelè cìvwàbo mwà kwenza, nkwikala ne mùshindù kampànda wà dipetangana dikesè, nwamònu's, cintu cikampànda, ne cìvwà cilelèlè. Nènku mbenze ànu bàfika ku cibùmbà cyà ku cyambilu aku, bàvwa bafwànyine kwondopiibwa pwòpò pa cib-...ànu kumpàla mene kwà kupicilabò ku cibùmbà aku.

⁷ Ngèèla meeji ne, bânà bèètù aba, nwênù bònsò nudi bamanyè Mwanèètù Ed, Mwanèètù Ed Hooper. Kí mmwómò anyi? Nwênù bàà ku Arkansas, kwinshì kwàka? Wàkatuutakeena...Yèyè ùvwa naanyi mu bitùpà byà kumpàla byà mbangilu wa mudimu wànyì wà bwambi. E kwambayè ne: “Eci cìvwa cimwèka bu cyà bikondo byà kale,” mwàkambayè, “mmùshindù ùvwabò ne ciibidilu cyà kwenza, kùkaadi bidimu.”

⁸ Ne kùvwa bantu bàvwà ne byùja bìvwà—bìvwà mùshindù *awu*, bààkaalukila, basàngàle. Mpofo, mpudi macì, tumàmà, bintu byà mishindù yònsò bìvwà Mukalenge wètù mwenze. Ncìvwa nànsha ne cyà kulenga bantu nànsha. Dìyì dipàtuka dicyènza.

⁹ Pashìishe Mukalenge e kumpèèshà Mukenji ùndì njinga kwambila èkèleeziyà, mिंगà misangu, pàndì ngàalukila, mpeta mpùngà awu. Ndi ne mudimu wàbùngì be. Mpindyewu ndi ne cyà kuumuka kàbìdì, mààlabà, ndi mwindile bwà mwànà wa bakàjì ewu kulwayè. Nènku kumpàla mene kwà mémè kubweja mushèètà wànyì wà bilàmbà mu nzùbu, kùvwa muntu kampànda mwaba awu. Kwambwila ànu piinè apu ncyèna musòmbeku panshi, menemene to. Nwamònu anyi? Ncyèna muiyikile nànsha ne òkù dyànyì mene to kacya ngàlwà. Nwamònu anyi? Nènku cìdì—cìdì ndutàtu lwà menemene. Nènku ndi ne cyà kunùlòmba masambila ènù bwànyì mémè, kàbìdì, bwà Mukalenge kungambulwishayè bwà ngaashààla mukwàte bikolè.

¹⁰ Mpindyewu...[Katùpà kàà mukàbà wa mèyì munda mutupù—Muf.] Nwamònu's mwanèètù wa balùme ewu, usaama bikolè, bikolè menemene, mulàadika pa kalàalù kàà dibùnya aka. Nènku tudi... .

¹¹ Muntu kampànda ulwalwa, mu katanci kakesè emu, bwètù twètù, bwà kuya ku Louisville. Ndi muswè bwà nwènu kuvùluka

kàbìdì, mu disambila, inàbànzà wa citende, udi, kèna mwanji kwikala nànsha ne bidimu bitwè ku dikumi ne mwandamukùlù to. Yèyè ndipàsa, mwànà wa bakàji mwena Kilistò mu cilongelu. Ne bânà bàà bakàji bakwàbò bàvwa mwà kwakula bwèndè, nudi bamanyè's, bânà bàà bakàji bàbìdì, ne kubàmbila mùshindù ùvwàbo awu, citùpà kaayi cyà mwoyi cìvwàbo bàjìmija, ne mùshindù ùvwàbo ne cyà kwikala bènda bu bakwàbò bânà bàà bakàji bônso aba. Kàdi mwànà wa bakàji ùmwèpelè ùvwa mukùmbàne bwà kucitàmba. Mukwàbò ewu yèyè ùvwa ùumvwa bundù, ne ùvwa udyùmvwa bibì menemene bwà bwalu abu, ne kutùngunukaye ne kulaluka, ne kwenda kulalakana ùtamba kwalukila cyànyimà, ne mwikàle ùditàcisha bwà bwalu abu. Ndekeelu wa byònsò e kupetaye dinyùnguluka dyà mutù. Ki bóbò. . . Ùdi ku cikùnyì. Mamwèndè ne tatwèndè bàdi bàlwa, ànu mu katanci emu, buumukila ku Crandall, mu Indiana, bwà kuya kwàka ku lùpitàadi kwàteetàbo bwà kumutùma, ku Madison, màalabà.

¹² Mpindyewu, nsongàakàji ewu—ewu, kakwèna lutàtù lwà mubidì munda mwà nsongàakàji awu to. Yèyè. . . Kakwèna cintu nànsha cìmwè to, mu mubidì emu. Ùdi ne mubidì tumatuma. Kàdi mbikolè menemene bwà kucyùmvwija. Ne bulelèlè menemene kaciyèna mwà kumvwijiiibwa to. Cìdiku ncyà ne, nyumà wèndè mmulalàkàne. Nwamònu anyi? Mpindyewu, udi—udi ne cyà kubàkula nyumà wèndè ne kumwaluja pa mwaba wèndè. Nwamònu anyi? Kùdi. . .

¹³ Ànu, patwàdibwinkì mu kwakula mwaba ewu, mu mbingu mikesè cyanàànà, pa mùshindù ùdi ndongolwelu wa buumùntù ùkwàta mudimu. Mùshindù ùdiku byumvwilu bitaanù byùdi ubwelelakù mu mubidì, twamba ne misèsù yìtaanu mutùdì mwà kucibiikila. Misèsù yìtaanu, bu mùdì—bu mùdì kwondò kàà mwoyi, dilukakaja dyà lungenyi, ne bikwàbò, nkutùdì tubwelela ku musùukà. Ne pashiishe paùdi ubwela mu nyumà, kùdi mùsèsù ànu wùmwèpelè, ne wòwò awu ngwà kupicila ku bùdìswile, ùdi ùcìshindikila ànu pa mwà kafùkiibwà muntu amu.

¹⁴ Udi mwà kuCyàkidila, anyi udi mwà kuCibènga. Udi mwà kwitaba Kilistò bu Musùngidi, anyi kuMubenga. Ne wèwè ucidì ànu ku Mucì awu, wà Mwoyi ne wà lufù. Muntu yònsò mmutèèkiibwe kumpàla kwà Mucì awu, ànyì Nzambi mmufwànyìne kwikala mwena kànsungànsungà bwà kutèeka umwe pààpa, ne pashiishe kubènga kupèèsha dyèsè òmwèdimwè adi dyà—dyà kusungula cìmpè anyi cibì to. Ne yònsò wa kutùdì ùdi ne mpùngà awu.

¹⁵ Kàbìdì, mu cyòci aci, nyumà, tudi mwà kwondopiibwa, anyi katwèna mwà kwondopiibwa to. Mpindyewu, kì mbwalu ne kakwèna. . . ne katwèna bwondòpiibwe bilondèshile Nzambi to. Tudi bwondòpiibwe. Bwalu cipungidi ki ncyà musingà to. Kàdi Yèyè ùkaadi mumane kutùpetela dyondopiibwa dyètù.

Ki bwà cinyi, dyondopiibwa dyètù didi—kutùdi twètù. Ndyètù. Mpindyewu, bwalu mbwà ne anyi tudi tulonda ewu mùsèèsù, bwà kudiitabuuja; anyi ewu mùsèèsù, bwà kubènga ànu kudiitabuuja. Mpindyewu, kùdi mùshindù ànu wùmwèpele wutùdiku mwà kubwela mu Bwikadi bwà Nzambi.

¹⁶ Mpindyewu, mwànà ewu, mulenga kumòna, mamwëndè mmulunda wanyi wa bakàji. Mémè, ekèlekèle. . . Kaa, kale wàwa ùvwa umwe wa ku balunda bàànyi bàà bakàji. Ùvwa inàbànzà mutekète mulengèle, mupàtùkile mu dikhù dyà dísù dikolè dyà ba-Nazaréens, kànà kàà bakàji katekète kàà kalolo. Kàbidì ùdi ne bàyèndè mulengè. Ndi mumumanyè, mémè pèndè, mwîmpè wa wòò, nsongààlùmè udi mumusèle awu. Ne yèyè mukàji awu muciiakàle ànu mwànà mutekète. . . Bàvwa bakolèshe bânà abu bwà kusadilabò Mukalenge, ne bàvwa babàbweja mu kàlaasà. Nùnkù bàvwa bèlè miji mu Kilstò, kabiyi bwà kwenza maalu mabi nànsha. Kàdi kubangilabi ànu mwaba awu.

¹⁷ Ànu mu diimanyika dikesè, byenze ànu bu mùndì. . . ngatàngidi mu katanci kakesè cyanààna, ne ngòshi dísù pàànyimà kùdi nsongààlùmè mukesè, ùvwa ne cintu ànu cyòci cìmwècìmwè aci, menemene. Nènku ku. . . Twètù kupweka kuntwaku dilòlò kampànda, kwà Mwanèètù Wright, ne Orville ùvwa ànu—ànu mujimije lungènyi lwònsò. Ne, nudi bamànyè's, ùvwa mufwànyine kuteeta bwà kungiipata mu nzùbu; nànsha mutùdi balunda bìmpè mémè ne Orville amu, byenza bulelèlè ànu bu ne mwà tatwèndè. Ngàakaswika dibàkà dyà tatwèndè ne mamwèndè, pàmwè. Ki yèyè kutùpika wèla lubilà ne: “Pàtuka mwab'ewu! Pàtuka mwab'ewu! Pàtuka mwab'ewu!” Nwamònu anyi?

¹⁸ Mpindyewu, citùvwà ne cyà kwenza mwaba awu cìvwa ncyà kupàtuka kubwela mu bipaapu byà nyumà ne kubàkula nyumà wa nsongààlùmè awu. Nwamònu anyi? Dibungama dyàbùngi dikaavwa dikwàte mwoyi wèndè mukesè. Ùcidi nsongà wa citeende, kàdi ùkaavwa mumòne byàbùngi. Ne kumwaluja ànu kaaba kàvwàye ne cyà kwikala aku. Nudi numòna anyi? Mu matùkù makesè, ùkaavwa—ùkaavwa bìmpè.

¹⁹ Mpindyewu, ki cintu cìmwècìmwè aci cidi cikèngela wèwè kwenza pa cyòci eci. Nkààdi mucimòne, ne ndi mumanyè ne ncilelèlè. Kàdi mpindyewu, ànu. . . Ndi—ndi nnùlòmba nwènù bònsò bwà kusambila mpindyewu, bwà—bwà Nzambi ànkwaçishèku bwà kupeta mwànà mukesè wa bakàji ewu. Kumupàtùla mu mwaba, ùdiye kàyi mumanyè ne mpenyi pàdiye ùsanganyibwa to, dibà adi kumwaluja pa mwaba wèndè. Mùsèèsù awu wùdi wùpicila ku diitabuuja. Nwamònu's, kèna mwà kwikala ne diitabuuja bwèndè yèyè mwine to. Yèyè kèna mumanyè ne ùdi penyi, anyi ní ncinyi to. Nwamònu anyi? Bìdi—bìdi bìkèngela diitabuuja dyètù kaaba aka.

²⁰ Nènku mpindyewu, mu cyòci aci, bukolè bwà dibìikà dyà

ku lufù dyà Kilistò abu, bùdìYe mutùpèèshèle mpùngà abu. Ki mwaba awu, wèwè, mu mùshindù kampànda, ùdi Dìyi dyà Nzambi ditùbula ngènzàmpèkààtù. Nènku Cìdi ne cyà kusambuka diyiiisha dyà Dìyi didi dipàtuka. Ki bwà cinyi mvwa muswè kwakulakù ndambù mu dindà emu kumpàlà kwà kusambidila babèèdi. [Katùpà kàà mukàbà wa mèyi munda mutupù—Muf.]

²¹ Nudi bavùlùke cikèèna-kumòna aci, ànu matùkù mashààle aa, cìvwà Mukalenge mumpèèshe, nudi bamanyè's, bwà kumòna Luseke lukwàbò alu anyi? Nudi bavùlùke dindà adi pàmvwà mfla bujaadiki bwà dimòna dyà Luseke lukwàbò anyi? Èè, bùvwa bulelèlà.

²² Ne *Dìyi* dyà Bantu Beena Kantu ku byanza bàà Èvànjeeliyò mu Kaabujimà divwa dipàtùle kanungu aku mu cikàndàkàndà, ne ditèèke fòtò paanyimà pàà dibèji apu. Nènku cìdi ne kantu kakesè kafunyika lwà kwinshì eku ku ndekeelu, katùpà kakesè lwà kwinshi, kàakula bwà mudimu wà bwambi. Cyôci eci, ncikàndàkàndà cyà buloba bujimà cifùnda mu myakulu mishiiilàngàne. Kàdi bàvwa bangate dibèji dyà pamutù adi, ne dyà kumpàla, bwà cikèèna-kumòna aci. Nwamònu anyi?

²³ Nènku ndi naabi mwab'ewu ne ndi njinga bwà nwènu kwangatakù cimwèpelè, nènku nudikù mwà kucibala. Kàdi kuuuka... Ncivwa mumanyè ne mbùngì kaayi bàvwà mwà kupweka, bânà bèètù, mu dindà emu to. Kàdi nwènu, dìbà adi, nwènu bafwànyine kupangila cimwè, èè, ndàayi nwènu ànu ku birò. Bàdi naabi ku birò kwàka. Mbatùpetèshe ndambù wabi, pa: "Tùngunuka wèwè ànu ne kukolesha." Nwamònu anyi? Ke cyònsò cìdi mu mwoyi wànyì. Cyònsò cìndi mwà kutèèleja, ncyà ne: "Tùngunuka ne kukolesha." Ànu dyàmwàmwa dyà—dyà musùlù kùdi bu—Buloba bwìmpè be. Nànku tùtungunukàayi ne kukolesha too ne mutwàtwilanganà ne Buloba abu.

²⁴ Mpindyewu, ngèèla meeji ne bàdi ne dilàmbula dyà mwàna wa Mwanèètù wa balùme Stricker ne Mwanèètù wa bakàji Stricker. Pa nànkù aci. . .

²⁵ Bènjì bùngì munyì mpindyewu, Mwanèètù wa bakàji Stricker? [Mwanèètù wa bakàji Stricker ùdi wàmba ne: "Bàsambòmbò."—Muf.] Bânà bakesè bàsambòmbò. Adi's ndikù dikesè dilenga.

²⁶ Nànku awu bàdi... bàvwa bampàndànjlà bèètù mu—mu Àfrikè, matùkù mashààle aa, nebààlukilemù. Ne bânà bààbò bònsò mbànà bakesè balengèle. Nènku ndi mwà kumòna ne ki cìdi ewu, kàbidì, pàdibo bènda bàlwa nendè mu dindà emu bwà mudimu wà dimulàmbula.

²⁷ Teddy ùdi penyì? Teddy, udiku mwà kubànda kuneeku ku cisanji cyà pyàno eku, ànu kasunsa kàmwè cyanààna anyi, mwanaanyi wa balùme? Nènku—nènku twàngatàayi musambu wètù ewu, kaamusambu kakesè, nudi bamanyè's, kaamusambu

kakesè aku, ngèèla meeji, tutu twimba ne: *Bàbwejàayi*. Ncyà bushùwà anyi? “Bàbwejàayi buumukila mu madimi à mpèkaatù.”

²⁸ Nènkù aci, citùdì tuwìmbila, mbwalu twétù, ne cyònsò citùdì mwà kwenza, bu baledi, nkubàtwàla bwà dilàmbudiibwa. Tudi tubàlambula kùdì Mukalenge ne tubàbweja pàcidìbò bânà bàà mu mabòkò apa, bwà kabàlu kulaluka mu budimi bwà mpèkaatù amu to. *Bàbwejàayi*. Twànjàayi ànu . . . Udi muwùmányè anyi, Teddy? Twìmbàayi ànu citùminyi cyàwù cìmwè mpindyewu.

Babwejàayi, bàbwejàayi,
Babwejàayi buumukila mu madimi à
mpèkaatù;
Bàbwejàayi . . .

Kwòkò kwikàle mukwàbò, mòna's, lwàyi ànu nendè.

Lwàyi ne bânà bakesè kùdì Yesù.
Bàbwejàayi, bàbwejàayi,
Bàbwejàayi buumukila mu madimi à
mpèkaatù;
Bàbwejàayi, bàbwejàayi,
Lwàyi ne balalakanyi abu kùdì Yesù.

²⁹ Mwanèètù wa balùme Stricker ne Mwanèètù wa bakàji Stricker, ndi mumányè ne nudi bamányè cìdì musambu awu wùmvwija, bwà “kubàbweja,” dìjinga didì dilàkuka kapyà didì mu mwoyi wèbè, mbwà kuteeta kutwàla bajimine kùdì Yesù. Mwanèèbè mukèsè wa mu dibòkò, bu yéyè mwà kufwà kumpàla kwà kulàmbudiibwayè, anyi ní ncinyi cìkwàbò, mmusungìdiibwe, twamb'eku twamb'eku, bwalu Mashi à Yesù Kilistò ngàkamusingila ku Kàlvaryò. Kàdi bu civùlukilu cyà lwendu Lwendè lwà pa buloba, pààkatentekelàYe bânà bakesè byanza e kwamba ne: “Kanùbàpangìshi bwà kulwàbò Kùndì to,” ki bwà cinyi nudi balwè ne mwànà wa mu dibòkò mu dindà emu. Ne batèeke dyeyemena mu twétù, dyà ne netwikale bakùmbàne bwà kusambila disambila dyà diitabuja, bwà bânà bakesè, mu dilàmbùla dyà mwoyi wàbò kùdì Nzambi.

³⁰ Dyèndè nganyi? [Taatù ùdi wàmba ne: “Marilyn Madge Stricker.”—Muf.] Marilyn Madge, Marilyn Madge Stricker. Ùdi bukolè kaayi? [Maamù ùdi wàmba ne: “Ngondo dikumi ne yisàtù.”] Ngondo dikumi ne yisàtù. Mulelela mu Àfrikè, mmwòmò anyi? [“Éyowà.”] Èè, byenzekèku ne, kwòkò kwikàle mààlabà, mwànà ewu wikalakù mpàndànjlà dyàmwàmwa dyàdya, mu madimi mùvwàye mulediibwe mwàmwa. Kàbidì mwànà mukèsè mu—mulenga. Udikù mwà kulwa anyi, Mwanèètù Neville?

³¹ Ne, Marilyn. Kaa, ekèlekèle! Ntu misangu yònsò munange bânà bakesè aba. Ewu ki mwànà mukèsè mulenga anyi? Wetwàwu? Wetwàwu? Twinyikàayi mitù yètù. Ndi muswè bwà wèwè, kumutentekela byanza byèbè.

³² Taatù Wètù wa mu Dyulu, nyèwù tuKutwàdila mwànà ewu Marilyn Madge Stricker, mwànà ewu mulengalèngèlèè uvwa mulelela mu madimi à bwambi, dībà òvwà mvità yifwima. Ndi ndòmba bwà Wèwè kubenesha mwànà ewu. Mu Bible, bààkaKutwàdila bānà bakesè bàà mùshindù ewu. Wèwè kubàtentekela byanza Byèbè ne kubàbènèsha, wamba ne: “Kanùpangishi bānà bakesè bwà kulwabo Kùndi nànsha, ne kanùbàkandiki to; bwalu Bukalenge bwà mu Dyulu mbwà bàdi bu bōbō aba.”

³³ Maamù ne taatù mbamutèèke mu mabòkò ètù, leelù ewu. Twètù, ku diitabuuja, nyèwù tubànda bisàsà, dyàmwàmwa, tumutèèka mu mabòkò Èbè, ku diitabuuja. Bèneshàku mwoyi wèndè. Òmupe mwoyi mule, Mukalenge. Swàkù bwà yèyè ikale mwànà wa Nzambi. Swàkù bwà àKusadile ne mwoyi wèndè wònsò, kajilu ne kajilu kwònsò kàà bumùntù bwèndè, ikale musadidi wà Kilistò. Enzàku nànkù, Taatù. Bènèshaku tatwèndè ne mamwèndè, bānà bààbò bàà balùme ne bàà bakājì bakese aba. Swàkù bàkòlè, kàbìdi, ne bìikalè dīkù dyà butùmbi ku mudimu wa Nzambi.

³⁴ Taatù, tudi tuKupèèsha mwànà ewu Marilyn Madge, mu Dīnà dyà Yesù Kilistò, bwà mwoyi wà mudimu. Mubènèsheku, ne tatwèndè, ne mamwèndè, ne bananga bèndè. Nènku swàkù bwà kwikalabò ne mwoyi ntàntà mule, ne nsòmbelu wa disànka mu mudimu Wèbè. Mu Dīnà dyà Yesù. Amen.

³⁵ Nzambi àkubènèshè, Mwanèètù wa balùme Stricker. Nzambi àkubènèshè. Mabènèsha ikale pa inábànza mukèsè mulenga.

Twasàkidila, Teddy, nsongàalùmè wa yààya.

³⁶ Ntu munange bānà bakesè. Kàdi nwènù?

³⁷ Mbanganyì bàtu kacya kabàyi banji kumvwa cìkèènà-kumòna cyàkampà Mukalenge aci? Tùmonèbi byanza byènù byela muulu tūng, bàdi kacya. Mwanèètù Neville, udi ne mukànda wèbè mukèsè mwaba awu, pàmwàpa, pàmwàpa udi mwà kubàbadilaku ànu mwab’ewu, bwà kasunsa kāmwè anyì túbìdi. Ndi ncìitabuuja. . . Ànu apa mene, bu wèwè mwà kuswà.

³⁸ [Mwanèètù Neville ùdi ùbadila mu cibèjibeji cyà *Dìyi dyà Bantu bàà Èvànjeeliyò mu Kaabujimà* cyà mu ngondo wa lwìshi, cidimu cyà 1961—Muf.]

[Dindà adi mvwa mulààle pa bulààlù bwànyì. Nèivwa mbìikilaku ku tulù, ki mèmè kutèèka byanza byànyì mu dikoshi ki memè kudyòlola ne mutù wànyì mutèèka pa musààmù. Pashiishe ki memè kubanga kwela meeji bwà ne Dyàmwàmwa nedìikale difwànàngane ne cinyì. Mèmè e kumvwa ne nkàadi mupicishe citùpa cinène cyà mwoyi wànyì bu mèmè mwà kushààla ne mwoyi ne kukùlakaja bu beena kwètù, nènku mvwa muswè kwenza byàbúngì bwà Mukalenge kumpàla kwà mèmè kushiyangana ne mwoyi ewu.]

[Mémè kuumvwa Dìyì dyàmba ne: “Wèwè ucìdì ànu ubangilakù! Tùngunuka ne mvità! Tùngunuka ne kukolesha!” Pàmvwà mulààle mwaba awu ngèèla meeji pa mèyì awu, mémè kudyàmbidila ne mvwa ànu mudifwànyikijile ne mvwa múmvwè Dìyì dyàkula. Ki Dìyì kwambadì cyàkàbìdì ne: “Tùngunuka ne mvità! Tùngunuka ne kuya kumpàla! Tùngunuka ne kuya kumpàla!” Nciyi ànu ngiitabuuja to, mémè kudyàmbidila ne pàmwàpa mvwa mudyakwile nkààyani. Mémè kudisùma mènù ku mishìku ne kushààla mudikwàtè ku mishìku nè cyanza ne kutèèleja. Dìyì kwakuladì cyàkàbìdì ne: “Tungunuka wèwè ànu ne kuya! Bu wèwè nànsa mumanyè ne cidì ku ndekeelu wa njila ncinyi!” Mémè kwenza bu mvwa ntèèleja mùjiki ne myàku ya musambu wà kalè, wà ciibidilu.]

[Ndi ne cisà ne ngàmba kufwà, ne ndi muswè kumòna Yesù,]

[Ndi muswè kutèèleja ngonga yà ku cisabù ayi yidila,]

[Mmifwànyine kukenkesha kajila kàànyì ne kuumusha bwòwà bwònsò;]

[Mukalenge, ndekèlèku ntàngilè dyàmwàmwa dya cilùlù cikùdika cyà cikondo.]

[Dìbà adi Dìyì dyàkakonka ne: “Udikù muswè kumòna ànu dyàmwàmwa dya cilùlù cikùdika anyi?” Mémè kwandamuna ne: “Ncifwànyine kunkwàcisha bikolè be!”]

[Cyàkenzeka ncyèna mwà kucyàmba to. Ní mvwa mu mubidi anyì pambèlù pàà mubidi, anyì ní civwa ditentemunyiibwa, Ncyèna mumanyè to, kàdi kacivwa cyenzekù bu cikèèna-kumòna cinkaadiku mumòne to. Mvwa mwà kumòna mwaba ùmvwa mwangàcìbwe ne mvwa mwà kudimòna mémè mwine mulààlè pa bulààlù bwànyì apu. Mémè ne: “Eci ncintu cyà pabwàci!”]

[Kùvwa bantu bìngyabìngyàlè ne bàakalwa lubilu bwà kungeela mwoyi, bèèla lubilà ne: “Kaa, mwanèètù wa mushinga mukolè!” Dyàmbedi kulwakù bakàji batekète, bimwèka bu ne bàcivwa ku ntwadijilu kwa bidimu byà makumi àbìdì ne byà munjila, ne pàvwàbo banguupukila bàvwa bàmba ne: “Mwanèètù wa mushinga mukolè!” Bansongààlùmè, mu bulenga bwà bunsongà bwàbò, ne mèsù èla nsèsè bu mitootò munda mwà butùkù bwà mèsù, ne mènù matòòke tòò bu masàngà, banguupukila, bàmba ne: “Mwanèètù wa mushinga mukolè.”]

[Ki mémè kumòna ne mémè, pàànyì, mvwa mulwe nsongà cyàkàbìdì. Mémè e kudìtangila mémè mwinè e kukùdimuka e kwela mèsù paanyimà pàvwà mubidi wànyì mukùlàkàje

awu mulààle pa bulààlù ne byanza byànyì mu dikoshi dyànyì. Mémè kwamba ne: “Ncyèna ngumvwa eci to!”]

[Ndi mwenze ànu mbanga kuteeta kumvwa mwaba ùmvwà nsanganyiibwa, mémè kubanga kumvwa ne kakùvwa byà makèèlèlè ne mààlabà kuntwaku to. Kàkùvwa kùmweka muntu nànsha mucyôke to. Pàvwa musumbà wà bânà bàà bakàjì bàà bitende bàà batàmbe kulengela bankaavuku mumòne bangeela citupà ku nshingù, Mémè e kujandula ne kùvwa ànu dinanga dinène divwà dimbwikidije ne kakùvwa masansakata à mubidi bu mùtùbi mu kudítwàlà kwà buntu emu to. Mémè e kujandula ne nsongààkàjì yònsò eyi yìvwa ne nsukì yààyi mitwè too ne mu cimònu ne jipè yàyi mipwekè too ne ku makàsà àyi aku.]

[Paanyimà pàà cyôci eci, Hope, mukàjàànyì wa kumpàla, kunguupukilayè, wamba ne: “Mwanèètù wa mushinga mukolè!” Ki pashiishe nsongààkàjì mukwàbò mutekète kunguupukilayè ne Hope e kukùdimuka e kuupukilayè nsongààkàjì awu. Ki mémè ne: “Ncyèna ngumvwa eci to. Eci ncintu cishiilàngane mu kaabujimà ne dinanga dyètù dyà buntu. Ncyèna muswè kwalukila ku mubidi mukùlàkàje ùdi pa bulààlù wàwa to.”]

[Dìbà adi Dìyi kwakuladì naanyi: “Eci ki cyùdi muiishe ne ke cidi Nyumà Mwimpè! Eci ki dinanga dipwàngàne. Kakwèna cidi mwà kubwela Emu kaciyi naadi to!”]

[Pashiishe mémè e kwambwibwa e kuntèekabo pa mwaba mutumbùke. Ku nyungulwilu kwànyì kwònsò kùvwa balùme ne bakàjì bààbùngì baciikàle mu bubanji bwa bunsongà. Bàvwa bèèla mbilà, ne disànka: “Kaa, mwanèètù wa mushinga mukolè, tudi ne disànka dyàbùngì dyà kukumòna kaaba aka!” Mémè kudyambidila ne: “Ncyèna ndoota to, bwalu ndi mwà kumòna bantu aba ne ndi mwà kumòna mubidi wànyì mulààle paanyimà pàapa pa bulààlù.”]

[Dìyi kungambila ne: “S’udi mumanyè ne mbafùnde mu Bible ne bapròfetà bàvwa bàkùngwijiibwa pàmwè ne cisambà cyàbò.” Mémè kwamba ne: “Eyowà ngaacivùluku mu Mifùndu, kàdi kakùtu ba-Branham bùngì nùnku to.” Dìyi kwambululadì ne: “Aba kì mba-Branham to. Aba mbèèbè baùdi mukudimwishe micìma, aba baùdi mulombole kùdi Mukalenge. Bàmwè bàà ku bakàjì baùdi wela meeji ne mbansongà menemene ne balenga kumòna aba bàvwa ne bidimu bisambùke pa makumi citèemà pawàkabàlombolà kùdi Mukalenge. Kabyèna bikèmesha to pàdìbò bèèla mbilà ne: ‘Mwanèètù wa mushinga mukolè!’” Pashiishe mintùta ne mintùta kwelayi lubila ne: “Bu kùyi

mupàtùke muyè ne Èvànjeeliyò to, katùvwa bafwànyine kwikala apa to!”]

[Mémè e kukonka ne: “Kaa, Yesù ùdi penyì? Ndi muswè kuMumòna!” Bantu kwandamunabo ne: “Ùdi lwà muulu ndambù. Dìngà ditùkù Yèyè neàlwe kùdi. Wèwè uvwa mutùmìlbu bu mulombodi, ne pààlwà Nzambì, Yèyè neàkulumbulwishe bilondèshile dilongesha dyèbè.” Mémè kukonka ne: “Pòlò ne Peetèlò bàdi ne cyà kwimana pààbò ku cilumbulwidi eci anyi?” Dyandamuna divwa ne: “Eyowà!” Memè kwamba ne: “Ndi muyiishe cyàkayiishàbo. Ncyàkashiilangana naaCi ku elu luseke anyi ku lukwàbò to. Mwaba wàkabàtiizàbo mu Dîna dyà Yesù, ngàakabàtiiza pàanyi; mwaba wàkalongesha Dibàtiiza mu Nyumà Mwimpè, ngàakalongesha pàanyi. Cyàkalongesha cyònsò, ngàakacìlongesha, pàanyi.”]

[“Tudi bamanyè nànkù,” mwàkèèlà bantu abu lubilà, “ne tudi bamanyè ne netwàlukilè pa buloba pàmwè neebè musangu kampànda. Yesù neàlwe ne neàkulumbulwishe bilondèshile Dìyì diwàkatùyiisha. Pashiishe neütuleeje kùdiYe, ne bònsò pàmwè netwàlukile pa buloba bwà kushààlapu ne mwoyi kashidi.” Mémè kukonka ne: “Bidi bikèngela bwà mémè kwalukila pa buloba, mpindyewu anyi?” Bààkandamuna ne: “Eyowà, kàdi tungunukà ne kukolesha!”]

[Pangàbangi kuumuka mwaba mulengele, wà disànkà awu, ntàntà uvwa mèsù àanyi mwà kumòna, bantu bàvwa bàlwa kùndi bwà kunguupukila, bèèla mbilà ne: “Mwanèètù wa mushinga mukolè!”]

[Dyàkàmwè nkàvwa mwalùkile cyàkàbidì pa bulààlù. Mémè kwamba ne: “Kaa, Nzambì, nkwàcisheku! Kùndekèdiku ndya cibàngà ne Dìyì nànsha. Swàkù nshààle mujaalàme pa Dìyì. Ncyèná ncyùka cìdi muntu kanà yònsò ewu wenza to, Mukalenge, swàkù nkoleshe bwà kuya ku mwaba mulengele, wà disànkà awu!”]

[Ndi mutàmbe kutwishiihwa kupita kwònsò eku mu lwendu lwànyì bwà se nebikèngelè dinanga dipwàngàne bwà kubwela mu mwaba awu. Kamùvwa mukàwu to, nànsha dicyòka, nànsha disaamà, nànsha bununu, nànsha lufù. Ànu bulengèle butùmbùke ne disànkà!]

[Cyònsò cyùdi wenza aci, tèeka ku luseke bikwàbò byònsò too ne paùdi upeta dinanga dipwàngàne! Fika mu cipilu cyùdi mwà kunanga muntu yònsò, nànsha mwena lukuna yònsò. Nànsha bàmba ne ndeke ùdi wutènkakana, mikenyi yà mvùla yèla, anyi bingoma byà mwena lukuna bikutangija, bintu ebi kabyèna ne bwalu nànsha: petà wèwè ànu dinanga dipwàngàne!]

[Wêwè kùyì musùngìdiibwe to, itàba Yesù Kilistò bu Musùngìdi wèbè mpindyewu! Wêwè kùyì mubàtìjìibwe mu màyi to, bàtìjìibwa mpindyewu! Pawikalà kùyì mupetè Dibàtiiza mu Nyumà Mwímpè to, ùdipetè mpindyewu! Lwìjàkàjà mutàngile ku dinanga dipwàngàne adi dyàkufikisha ku mwaba mulengele ne wà disànkà awu dyàmwàmwa dyà cilàmbà cikùdika cyà cikondo!]

³⁹ Twasàkidila, Mwanèètù, bwà cyòci aci. Aci's...Mémè kudyàmbidila, pàmwàpa, bàmwè bàà kunùdi mbafwànyine kufika ku dicibala. Nènku pawikalà kùyì ne mukàndà mukesè awu to, mòna's, udi mwà kuwùpeta.

⁴⁰ Pashiishe lwà ku, ànu lwà kundekeelu wa dibèji aku, mmubwejèku bwàlu bwà mudimu wà bwambi. Ncyènà mumanyè ne nuwà bamòne anyi to, ànu lwà kwìnshì aku, paanyimà pa wêwè mumana kucibala. Ànu lwà kwìnshì aku, kantu kakesè kafunyika lwà kwìnshì aku. [Katùpà kà mukàbà wà mèyi munda mutupù—Muf.]

⁴¹ Mpindyewu, aci ciyaaya pabwìpi menemene ne mu mwakulu wònsò mwinshì mwà maulu, nudi numòna's, bwà—bwà kubadiibwaci pa buloba bujimà.

⁴² Mpindyewu: “Ncinyi—ncinyi...” èè, mùdi wamba, “cyùdi mufwànyine kwambila nànkù ncinyi, Mwanèètù Branham, kumpàlà kwà wêwè kusambidila babèèdi?”

⁴³ Mbwa eci nùnkù: bwà twamòna mwà kumanya ne kuditàcisha kwètù kakwèna pàtupù nànsha. Nwamònu anyi? Tudi ne cyà kusemena pabwìpi ne Nzambi ku kajila aku kàà dinanga ne diitabuuja. Diitabuuja didi ditùfikisha ku kajila aku. Dinanga ki didi ditùbwejamù. (Mfwilaayikù luse.) [Katùpà kàà mukàbà wà mèyi munda mutupù—Muf.]

⁴⁴ Mpindyewu, nudi nwela meeji ne Nzambi mmufwànyine... Mpindyewu twànjààyibì... Mpindyewu, diitabuuja dyèbè didi difika pa kaaba kampànda mpindyewu, nudi nwela meeji ne...? Ncinyi cinùdi bafwànyine kwela meeji mpindyewu piikalàbi ne kuditàcisha kwònsò kùdi...tabernacle ewu ne musumbà wà bantu ewu badyenzèje, bwà Bukalenge bwà Nzambi? Kùdi bààbùngì mwaba ewu bàdi bakèèpèshile bàna bèènù didya, bwà Bukalenge bwà Nzambi. Kùdi bààbùngì mwab'ewu bàdi bapangile bilàmbà byà kuvwàla, bwà Bukalenge bwà Nzambi. Kùdi bààbùngì bàdi bendèshile màshinyi mu bipeepèle bikolè, ne bende kabàyi ne bisàbaatà ku makàsà kwàbò to, bwà kufika ku tabernacle eku, ncyà bushùwà, bwà Bukalenge bwà Nzambi.

⁴⁵ Nudikù mwà kufwànyikija muzòdi ùzòla cimfwànyì cinène, cilenga, too ne mùdici citàmba kutùmbuka, kàdi pashiishe e kucisùnsula anyi? Nkufwànyine kwikala cintu kampànda cipampalàmùke kùdi muzòdi ewu. Nudikù mwà kudifwànyikijila bwà musàki wetù wa misambu ewu ùfùnda musambu ùfika too ne ku ditùmbuka, kàdi pashiishe kumpanda

dibèji dyèndè—dyèndè dyà musambu awu anyi? Nkufwànyine kwikala cintu cipampàlùmùke kùdì musàki wa misambu awu. Nwamònu anyi? Kakwèna cintu cipampàlùmùke kùdì Nzambì nànsha. Nzambì kàtu wènza cintu cyà mùshindù ewu nànsha, ànu bwà kucisunsulula ne kuciimansha nànsha. Mbwà Bukalenge Bwèndè. Mbwà Butùmbi Bwèndè.

46 Yònsò wa kutùdì ùdì wènza cyèndè citùpà cyà mudimu mu cimfwànyì eci ne mu musambu ewu. Tudi bitùpà byà Bukalenge bwà Nzambì. Nènku cyôci aci, mbwà twàmòna mwà kwenza cyètù citùpà, bu mutùdì bamanyè mwaba ùtùdì biimànyìne, biikàle mu mwaba ewu, ne pashiishe kushààla ànu mu mwaba awu. Ne mwaba wùmwèpelè wutùdì bamanyè, wùdì mu dinanga, bwalu ki cìdì cyènza cimfwànyì ncyôci aci.

47 Mpindyewu, mbikolè paùdì umòna bikèènà-kumòna byà mùshindù ewu ebi, ne bikwàbò, bwà kumvwa cìdì—cìdì Luseke lukwàbò alu. Mvwa' a kujinga kumanya. Muntu mmufinyike kantu kakesè aka kuntu kwàka, bwà kwamba ne baprófeta bàà kale, mùshindù ùvwàbo bà mòna bikèènà-kumòna ebi, ne bikwàbò, ne mùshindù ùdìbi ne, leelù ewu, mbipicile too ne cìdì. . . Katwèna mwà kucyùm vwa to, kàdì Mukalenge mmutùlekele babwelemù ne kumòna cìdici.

48 Mpindyewu, nwènu balundà bàànyì, ncìvwa muya mu tulù to. Nènku mèmè, ànu pankacì pèènu ne mèmè, ne èkèleeziyà udi apa ewu, ncìvwa mu cikèènà-kumòna to. Ndi mumanyè cikèènà-kumòna ne ncinyi. Bìmwè mwaba ewu, ànu lumingu lushààle elu, bìmwè, misangu bùngì butwè bu ku makumi àsàtù, dilòòlò òmwè, bùdìbi bifwànyìne kwenzeka. Udi mwà kudifwànyikijila bujitu bùdì mwambùle. Bìdì bikutàndabaja mijilu yà mutù, ncyà bushùwà.

49 Ambà tǔng bu wèwè mwà kwikala muyè mu disangisha dyà mùshindù awu, cìdì ànu bujitu bùdì mwambùle, bu disangisha mwà kwikala dyenzèke bimpè ànyì to, bùvwa pambidi pèèbè, s'—s' mbujitu wèwè mwambùle's? Udi ne cyà kwandamuna mwambi yònsò, lukonko lwònsò, cintu cyònsò. Disangisha dyèndè bìmpe anyi bibì, bàdì bakwela bujitu abu pambidi, wèwè nkààyèbè. Tàngilàayi cìdici cifwànyìne kukwenzela.

50 Ne kùdì bàmwè bàà ku bakwàci naanyì bàà mudimu pàmwè, bàdì ànu bàpaana mikàndà cyanààna, ne bikwàbò, bàdì babinduluka, bikèngela bwà kuyabo kumbèlu, nwamònu's, kukalààla, kabàyi bafwànyìne kulwa mu masangisha dilòòlò adi nànsha. Ekèlekèle! Kaa, cìdì cikèmesha. Bu mùdì mukàjì wa mwanàànyì, nsongàakàjì mukèsè mulengele mwena Kilistò, Loyce. Ànu—ànu ku diya mu masangisha, ànu nànkù. . . Bwà mbingu mwandamukùlù, anyi mbingu mwandamutekète, misangu yònsò mùshindù awu, kukèngelabi bwà ashààle mulààle mu bulààlù munda mwà ditùkù òmwè anyi àbìdì, nwamònu's, kàyi ne bujitu bwambula nànsha bùmwe. Nwamònu

anyi? Billy, ànu bwà kufila ndambù wa twarta twà disambila, kàdi bimusùnsula ànu tepesa tupesa.

⁵¹ Kàdi, nwamònu's, bujitu bwònsò nkòong bùdi pambidi pàànyì. Bìdi bikèngela bwà mèmè kunwèyemena bwà nwènu kunsambidila. Nwamònu anyi? Pa kuumusha aci, bàdi bàmba ne—ne tusunsa makùmi àbìdì twà—twà diyiisha, mu disonsodiibwa, ntufwànyikijìbwe ne mèbà mwandamukùlù à mudimu mukolè, bwà mubidi wèbè. Ndi nyiisha mèbà àbìdì too ne ku àsàtù dilòlò òmùwè; pàmwàpa misangu yìsàtù ku ditùkù. Nwamònu anyi?

⁵² Kàdi ambà tǔng bwà cikèèna—kumòna cimwèpelè? Cikèèna—kumòna cimwèpelè cyàkacyòkesha Mukalenge wètù Yesù. Ncyà bushùwà. Bible mwàmbe ne mukàjì kampànda wàkalenga ku cilàmbà Cyèndè, e kuMucyòkeshabì. Èè, pìikalà cikèèna—kumòna cimwèpelè ncyàci cìMucyòkesha nàнку, Yèyè, Mwànà wa Nzambì; netwambè bishi bwànyì mèmè, ngènzàmpèkààtù musùngila ku ngàsà, ncinyi cìdì bikèèna—kumòna makumi àsàtù byà dilòlò òmùwè mwà kwenza? Nwamònu anyi? Cìdi . . . Bu twètù ànu mwà kwimana kàdi kwela meeji, ncipite muntu kanà yònsò ewu. Mubidi wà muntu kawèna mwà kutwàla aci nànsha. Mvwa mufwànyine kwikala mu nzùbu wa babùlùke mwaba kampànda, mumòngane ne dituuta mutù ku bimanu. Nwamònu anyi? Aci's—aci's mmateketa anùdì kanùyì mwà . . . Mmateketa à mundamunda, nwamònu's, adi àmba kukushipa.

⁵³ Mpindyewu, kàdi ncinyi cinùdì bafwànyine kukolesha dìbà adi? Ndi mufwànyine kwamba nùнку. Ndi mmòna Mwnèètù wa balùme ne Mwanèètù wa bakàjì Cox, kuntu kwàka, Rodney ne mukàjèndè, ne mwanèètù wa bakàjì, ewu, lwà mu ndekeelu mwàmwa, bàcikùdimwinaku mucima. Kùdì Buloba, ànu dyàmwàmwa dyàdya mwaba kampànda, bwà ne wèwè ànu mwà kwela meeji mu mutù wèbè amu ne kuBùmòna, Ncintu cyà citàmbe butùmbi menemene. Ncikumbànyine diditàcisha dyònsò ditùdì mwà kwenza adi. Nwamònu anyi?

⁵⁴ Mpindyewu, kumpàlà kwà kusambidila babèèdì, ndi mufwànyine kwamba nùнку:

⁵⁵ Ambàyibi tǔng bu mwànà mutekète, kumpàla kwà kulediibwayè, tùcyangàtaayibi, mwànà mukèsè uvwa musòmbèle mu difù dyà mamwèndè, bwà ngondo eyi citèemà, kàdi bu mwànà mukèsè awu mufwànyine kwela meeji? Mufwànyine kwamba ne: “Udi mumanyè mùdì bwalu anyi? Bàdi bàngambila ne ndi pabwìpì ne kulediibwa. Èè, cìngènzà ncinyi pambèlù pààpa? Ncyèna mumanyè mungà mwaba to pakuumusha ùndì musòmbèle ewu. Ndi nsunyina bukolé bwànyì lwà munda emu. Kàdi mmunyi mungààpeta cyàkudya pambèlù pààpa? Bàdi bàngambila ne kùdì dìbà dìdì diteemapù. Mbangambile ne bantu bàdìpu badi bèndakana. Kàdi ncyèna mumanyè cìngà cintu to pakuumusha ànu mwaba ewu. Eci ke

cyônsò cîndi mumanyè, ànu mwaba ewu mu di—mu difù dyà mamwányi. Mwab'ewu ki ùvwàbò bantwàlemù. Mwab'ewu ki wônsò ùndi mumanyè, ùdi ànu munda mwà difù emu. Kàdi bàdi bàngambila ne kùdi mwaba wàbûngi!”

⁵⁶ Èè, mwânà mukesè awu's ùvwa mwà kukwàcika bwôwà bwà lufù, bwà kulediibwa. Ncyà bushùwà anyi? Mmufwányine kwikala ne bwôwà bwà lufù, bwalu ùdi ùlwa mu mwaba ùdiye kàyì mumanyè mùdiwu to, ùdi mutùmbùke, mutùmbùke misangu mìlyô ne mìlyô, kupita mwaba ùvwaye musòmbèle. Kàvwa mwà kumanya ne bìvwa bìshi nànsha, mmufwányine kwamba ne: “Mmuniyè, cingàyà kenza ncinyi?” Mmufwányine kukwacika bwôwà bwà lufù, bwà kulediibwayè, kàdi twètù bàdi basòmbèle pambèlù aba, èè, twètù bàvwà muntwamu musangu kampànda, katwènà mwà kwalukilamù to nànsha byà kumòna lufù, katwena baswe kwalukila cyàkàbìdi mu difù dyà maamù to. Nwamònu anyi? To, katwèna baswè kwenza aci to.

⁵⁷ Nènku mùshindù awu ngùdibi patùdi tupùnga ne lufù, mulunda wanyì. Éyì Nzambi! Nwamònu anyi? Udi munkaci mwà kulediibwa Mwaba kampànda. Kacya kùtu mwanji kwikalaMù to. Kwènà mwà kuCyùmva to, mùshindù ùdiCi cinène. “Mmuniyè—mmuniyè mmwikalàbi Pambèlù pààpa? Ndi...” Ne cintu cìmwèpelè cidì cìmfikisha ku dimanya, anyi nwènù ku dimanya, nkatòba kakesè kàà Mwoyi aku, ànu mùdi nyumà ùbwela munda mwà mwânà mu difù dyà mamwëndè. Nwamònu anyi? Ki mùshindù wùmwèpelè wutùdiku mwà kuumvwa cidì Buloba bunène abu kuntu kwàka, pàdiku kakùyì disaamà, kakùyì dibungama, kakùyì lufù, kakùyì bununu, kakùyì cintu nànsha cìmwè. Kaa, ekèlekèle!

⁵⁸ Mòna's, paùdi ànu ufika Kuntu kwaka, kwàkujinga bwà kwalukila mu mwaba wà bwena ewu ewu to, ànu mùdi mwanà mutòòke kàyì mwà kuswa kwalukila mu difù dyà mamwëndè nànsha. Nwamònu anyi? Dyàmwàmwa nditamba bunène be, nwamònu's, Kuntu kwaka. Katwèna mwà kuCyùmva to, nànsha kakesè bushùwà, katwèna mwà kucyùmva to. Mòna's, mùshindù mwìnè ùdi mwânà mukesè wa mu dibòkò ùsanganyibwa dyàmwàmwa dyà ngeelèlù wa meeji kanà yônsò, ke mutùdi dyàmwàmwa dyà ngumwilù kanà yônsò wa cìkalà Kuntu kwaka, nwamònu's, bwalu tudi mu difù dyà buloba, badìlongòlòle bwà kulediibwa cikondo kampànda, mu Bukalenge bupyabùpyà, mu Buloba bupyabùpyà.

⁵⁹ Nènku mùshindù awu ke wùndi ngùmva bwà bikèènà-kumòna abi ne bikwàbò byà mùshindù awu, anyi ní ncinyi cyônsò cyàkangenzekela ditùkù adi pangàakasabukà dyàmwàmwa, ànu pambèlù pààpa, ne mumòne cìvwa Cintu aci, ne pashiishe kwalukila pànwàpa.

⁶⁰ Udikù mwà kudifwànyikijila mwikàle mwânà wa mu dibòko ne—ne mwikàle ne—ne dimanya dyà cidì, mùdi kwendakana

eku kwikàle kwà butùmbi, kumòna mùdì micì yìsampila, nyuunyi munkaci mwà kwimba misambu, díba dyèla nsèsè, ne nsòmbelu wa bwena ewu, ne pashiishe kukèngela bwà kushààla mudibùmbe mu difù anyi? Mòna's, kwèna mwà kuswa bwà kwalukila to, nànsha kakesè.

⁶¹ Èè, díbà adi, twètù, wetù—wetù ngeelèlù wa meeji mmufwànyìne kwikala mukwàte kakùlàkàjì, pa kumufwànyikija, anyi kuteeta kwela meeji bwà cìdì Dyàmwàmwa dyàdya. Pàdibi ne, Mifùndu yìdì yàmba ne: “Dìsù kadiyi dimòne, dicitì kadiyi dyùmvwè, anyi cìdì kacya kacyi cibwele mu mwoyi wà muntu cìdì Nzambì naaci bwàbò, mu cibùcilu, bwà bàdì bamunange.” Nwamònu anyi? Pa nànkù tudì bamanyè ne mbyà butùmbi Dyàmwàmwa dyàdya. Dìngà ditùkù, lufù, citùdì tubìkila ne lufù aci, necitupèèshè Dilediibwa dipyadiya, ne netùbwele mu Buloba bukwàbò, Dyàmwàmwa dyàdya.

⁶² Mwanèètù George, kwàkwikala mukùlàkajì, mucibùkile panshi, Dyàmwàmwa dyàdya to. Nènku Mwanèètù wa balùme ne Mwanèètù wa bakàjì Spencer, ne bàmwè bu baatwètù bàkaadì banunu aba, ne bikwàbò, nènku netwikalè bansongà kuntwaku aku bwà kashidi.

Mukùlàkàje ewu... mùzàbì wà misunya ewu
nèngùmacìshè, e kubìlka
Ne kubàkula difutu dyà kashidi,
Ne kwela mbilà, patwikalà twenda tupicila mu
mpepèlè apu ne:
“Nwàshàlaayi bìmpè, nwàshàlaayi bìmpè,
díbà dyà kalolo dyà disambila!”

⁶³ Kwàjìkì, díbà adi. Kakwàkwikala kàbìdì malòòlò maleemàlè à disambila to, kaàkwikalakù kàbìdì to. Kubwela ànu mu cikondo cyà bunsongà aci, cyà disànka bwà kwikala Kuntu aku, kabìyì ànu bwà cidimu cimwè, anyi bidimu makumi àtaanù, anyi mùliyò mujimà wà bidimu to, kàdì netwikàle Kuntu aku bidimu miliyàlè, katwàkwikala nànsha bânji kutwàdija to nànsha kakesè. Mmwòmò. Pa nànkù bwà cinyi kabìvwa bikèngela bwà twètù kwikala ne disànka mu dindà emu? Bwà cinyi kabìvwa bikèngela twètù kucyònkomoka? Bwà cinyi katùvwakù mwà kukòngolojanganakù ne cintu cinène cyònsò cìdì Nzambì mutùpèèshe?

⁶⁴ Ki dyondopa dyà Nzambì ndyòdì edi. Mbwa cinyi bwàkatuucilabo Yesù; mbwa kupandakaja cimfwànyì, kwamba ne: “Kakwèna cintu cyà nsongo nànsha cimwè mu cyòci eci”? Wàkajuula mubidi Wèndè mibùndàbùndà, mbadi kumwènèkayi patòòke, ne: “Ku mibùndàbùndà Yèndè twakàmana kwondopiibwa.” Katùpandakajikù cindidìmbì to, mu dindà emu. TùCyupùkilaayi, tùCitàbaayi.

65 Mpindyewu, mwanèètù, ne yònsò wa kunùdì mpindyewu wíkalabò mwà kusambidila awu, bu wèwè ànu mwà kwimana ku cyoshelu eku. Pàvwà mukenji mupátuka, kùkaadi katanci, kupicila ku dyandamuna ne myakulu, bwà twamònakù mwà kutentekela babèèdi byanza bwà kumòna byenzi byà bukolé byà Nzambì.

66 Mpindyewu, mwanèètù, kabyèna bikèngela bwà wèwè kwimana kuulu to, mwanèètù, wèwè udi mulàadika pa kalààlù kàà dibùnya wàwa. Netùlwe kùdì aku.

67 Kàdi kwòkò kwikàle bakwàbò kanà bònsò bàà kusambidila mwab'ewu, bàdi baswè kwimana banyùngùlùkile cyoshelu, piikalà mwanèètù ne mèmè tusambila ne tutentekela babèèdi byanza apu, lwàyi ànu mpindyewu mene. Nèngu vùlukaàyi ne, upùkilaayi cimfwànyi aci ne: “Ku mibùndàbùndà Yèndè twàkamana kwondopiibwa.”

68 “Ncyèna ncyùmvwa to, Mukalenge.” Ncyà bushùwà, kwèna ucyùmvwa to. Uciði ànu mu difù dyà buloba.

69 Kàdi wàkalongolola bintu abi. Ne Kàvwa mufwànyine kwangata . . . Bwà cinyi Wàkatuciibwa mibùndàbùndà kujuuka? Ng'ànu bwà kusùsulula cimfwànyi, anyi kusùsulula musambu, kuwimansha anyi? To, mukalenge. Wàkatuciibwa mibùndàbùndà kujuuka, kutàpiibwa, ne mashi kuzòlolokawù, bwà twàmòna mwà kwondopiibwa. Ne ku cyòci aci, twètù: “Mibùndàbùndà Yèndè, nkutùdì bondopiibwe,” yònsò wa kutùdì. Mpindyewu, bu munùdì nulwa, kukùngwila ku cyoshelu bwà disambila.

70 Mpindyewu, byàbùngì bìdì mwab'ewu byà kapelu byà ditangalaja dyà luumù lwimpè dyà cyena Àmèrikè dyà masaluka edi, dìdìbò bàmba ne: “Udi ne cyà kwenza *cikampànda*, kwenza *cikansanga*.”

71 Kùdì cintu cimwèpelè cìndì muswè kwikala ne meeji matòoke kunùdì, mulundà wanyì. Cintu aci, mùshindù ùdì Nzambì ondopa, mmushindàmèène pa musingà wà diMwenzela dyà mudimu. Nwamònu anyi? Mpa nshindameenu wa diMwenzela dyà mudimu. Tudi ne cyà kwitaba dyondopa dyètù pa cishimikidi, cyà ne, netùMukwàcìlè mudimu paanyimà pàà twètù bamanè kwondopiibwa. Mpindyewu, Bible mmwambe ne: “Tondèlàngànaayi bilèmà byènù, muntu ne mukwèndè. Sambidilàngànaayi muntu ne mukwèndè, bwà nwàmòna mwà kwondopiibwa.” Nwamònu anyi? Mpa nshindameenu wa ne, nèusadile Nzambì. Bààbùngì bàà kunùdì kaaba aka, pàmwàpa, bàdi mu ngiikàdilù wa bàpùnga ne lufù, ne nudi—nudi ne cyà kufwà bu cintu kampànda kaciyi cyenzèke to. Dìbà adi ndi muswè bwà wèwè, mu mwoyi wèbè . . .

72 Mpindyewu, tudi bafwànyine kukulaaba maanyì, tudi bafwànyine kukusambidila, mpaasàtà ne mèmè, kusambila disambila dyà diitabuuja, kwenza cyònsò citùdì mwà kwenza

aci, kàdi kàcyàdyàkukwenzela bwalu to ànu wêwè nkààyebebè mubwele mu bwobùmwè ne Kilistò. Nwamònu anyi? Bikèngela ùfike ku bwobùmwè abu, bwà ne: “Mémè, Mukalenge . . .”

⁷³ Ndi mmòna i—i—inàbànza mutekète wènda ùlwa kuntu kwàka ànu mpindyewu ewu. Mmulwe mwaba ewu, matùkù mashààle aa ku nzùbu, ne cintu kampànda bu cyùjà, anyi disaamà dyà kansère kàà Hodgkin. Ne yèyè m’Méthodiste, ku diitabuuja. Ngèela meeji ne ncyà bushùwà, kí mmwòmò anyi, mwanèètù wa bakàji? Nènku ùvwa ne dipondu dinène mu lubadi lwèndè. Kàdi mpindyewu’s nyèyè awu mwimàne kuulu, mwondòpiibwe.

⁷⁴ Ndi mmòna Mwanèètù wa bakàji Weaver mwimàne mwab’ewu, ùvwa ne kàmwè kàà ku tùnsère twà tubi be tunkaadiku mumòne, kacya bándela. Nènku cintu cyà kumpàla cingàakumulòmbà, mbwà yèyè kumòna mwà kubatijiibwa mu Dîna dyà Yesù Kilistò ne kutonda mpèkaatù yèndè. Pangàakamubweja mu mâyi mwaba ewu, bìvwa bikèngela bwà mémè kwikala mumukwàte; ùvwa munyane be, mabòkò èndè, ànu bu tumpònji. Ne yèyè wàkabàtijiibwa mu Dîna dyà Yesù Kilistò. Nènku aci ncyà kùkaadi bidimu dikùmi, kí mmwòmò anyi, mwanèètù wa bakàji? [Mwanèètù wa bakàji Weaver ùdi wàmba ne: “To. Ciinè aci nkùkaadi bidimu dikumi ne bisambòmbò.”—Muf.] Kùkaadi bidimu dikumi ne bisambòmbò. Bidimu dikumi ne bisambòmbò byà mupande ku lufù, bwalu ùvwa muswè kulwa mu ditùmikila. Ndîbà ùvwa bangàngabukà batàmbe bwîmpè bàà muneemu emu . . .

⁷⁵ Mòna’s, ke mùvwà ngàngabukà wèndè sungasunga mungambile. Dîbà adi, mémè kumwambila—kumwambila, ngàmbe ne: “Mmwondòpiibwe.”

⁷⁶ Yèyè ne: “Kaa, kaa! Yèyè’s neáfwe ne kànsère, mu mbingu mikesè emu. Kùtácishi meeji bwà bwalu abu to. Yèyè ùdi ùtùula nkìnda. Ànu mbingu mikwàbò mikesè, neikale mumane kuya.” Ne yèyè ùkaavwa mumane kumupèesha bu ditùku dìmwe nànkù awu dyà kwikalayè ne mwoyi. Kàdi’s ki yèyè ewu, leelù ewu, paanyimà pàà bidimu dikumi ne bisambòmbò, mwimàne ku cyoshelu. Ncinyi cikwàbò cìndi mwà kwamba, ne bikwàbò ne bikwàbò, kàbìdì ne bikwàbò ne bikwàbò’s!

⁷⁷ Mpindyewu, Nzambì kàtu wènza aci ànu bwà umwe wa ku bânà Bèndè, kàdi kubènga kucyènza bwà bânà bakwàbò to. Yèyè ùdi ùcyènza bwà bânà Bèndè bònsò. “Ewu yònsò udi muswè kulwa awu.” Cìdi . . . Udi mubìikidìibwe kùdiYe. Mpindyewu ne: “Disambila dyà diitabuuja nedìsùngilè mubèèdi.” Bible ngudi mwambè nànkù.

⁷⁸ Mpindyewu—mpindyewu, piikalabi ne . . . cìndi muswè bwà wèwè kwenza, nkutonda bilèma byèbè kùdi Nzambì, kwamba ne: “Mukalenge, ngondopèku.” Panwikalà kacya kanùtu banji kukùdimuna mucima to, filaayi myoyi yènu kùdi Kilistò. Ne bu

ne kacya kùtukù mwanjì kubàtijiibwa, mu mâyi, mu Dîna dyà Yesù Kilstò, kùdi ciina cyà mâyi cilongolola. Nwamònu anyi?

⁷⁹ Nènku inábànzà mutekète dyàmwàmwa dyà mùsèèsù edi; díbà divwà mwena bupidyà awu mukùdimùshìibwe mucima bwà bwalu ebu. Pàvwàye mulààle. . . Bákamupàtula mu Silvercrest kumutùma kumbèlu, ne dísaamà dyà cyàdi, ùpùnga ne lufù. Kàdi pangàakayàku, ne Mukalenge kufilayè cikèèna-kumòna, wamba ne: “Yèyè neòndopiibwè.”

⁸⁰ Ke kutwilànganayè naanyi kuntwaku, dînda dyàkalonda, Mukalenge Andrews; kàdi kuntàndishayè ànu bikolè. Wamba ne: “Ditèkemena dyà mashimi mùshindù awu, pa mukàjì awu!”

⁸¹ Mémè kwamba ne: “Mukalenge Andrews, kí nditèkemena dyà mashimi to. Mukàjì ewu mmwena Kilstò. Nènku díbà dìdiye ùpeta bukolè, ùdi ùlwa kubàtijiibwa.”

⁸² Ki yèyè ne: “Ùdi ùpùnga ne lufù.” Yèyè ne: “Ndi. . . Mmunyì mùdiyekù mufwànyìne kuumushiibwa ku Silvercrest eku bwà kuyayè kumbèlu?”

⁸³ Mémè kwamba ne: “Mukalenge, udi utàngila, udi. . . Cyùdi utàngila wèwè, udi utàngila wèwè cìdi bangàngabukà bambè. Mémè ndi ntàngila cìdi Nzambì mwambè.” Nwamònu anyi?

⁸⁴ Mpindyewu, bìdi ànu bishìilàngana, cyùdi wèwè utàngila aci. Nwamònu anyi? Udi utàngila cìdi ngàngabukà wamba, ncyà bushùwà ne neùfwe. Kàdi udi ne cyà kutàngila ku cìdi Nzambì mwambe. Ndiyi dyà nganyi diwàngatà?

⁸⁵ Ngambilaayi tǔng bu Abraham mwangàte mmwènenu wa ngàngabukà awu bwà yèyè mwikàle ne bidimu lukàmà, kàdi ùlela mwànà ne mukàjèndè, wa bidimu makùmi citèèmà anyi? Cìvwàye mufwànyìne kwenza díbà adi ncinyi? Nwamònu anyi? Mòna's, ngàngabukà's ùvwa mufwànyìne kwamba ne: “Muntu awu mmupàle.” Kàdi Nzambì wàkamubadila bu bwakàne, bwalu ùvwa mwitabùùje Nzambì. Nwamònu anyi? Mpindyewu, wèwè. . .

⁸⁶ Ne mukàjì awu ùvwa ne mwoyi. Wàkalèngulula bwà kubàtijiibwayè, mu Dîna dyà Yesù Kilstò, bwalu ndi ngèèla meeji ne ùvwa bu Méthodiste anyi Presbytèrienne. Ke dísaamà kumuneemenadi wènda ùsaama ànu kusaama. E kulwayè kumòngana ne Grace Weber, uvwa musòmbèle ànu, anyi, ucìdi musòmbèlepù, mwanèndè wa bakàjì ngucìdi mwaba awu, kuvwàlaye muzabi, ne kulwa mwaba ewu, ne kubàtijiibwayè mu Dîna dyà Yesù Kilstò, mwikale ne mubidi kapyà, ne dísaamà dyà mapondu matayìke pa makaaya èndè pwònsò apu ne byònsò, ne mubidi kapyà, cipimu cyà makùmi ànaayi. Ne wàkabàtijiibwa ànu kaaba aka mene, mu Dîna dyà Yesù Kilstò. Ne mmusòmbèle ànu dînsambù dyà mùsèèsù kuumukila mwab'ewu. Ùdi mwà kwikala musòmbèle mwab'ewu mpindyewu. Mvwa nkènzakana bwà kumòna ní mvwa mwà kumumòna, kùkaadi ndambù wa tusunsa. Nwamònu anyi? Ditumikila, nudi numòna's.

⁸⁷ Kacyèna ànu kunyùnguluka pàtupu to...Ncyèna mpetangana ne bàmwè bàà ku bàna bèètù, bàdi ànu bàtentekela ewu byanza, wàwa, ne mukwàbò, mùshindù awu, ne bàmba ne diitabuuja kampànda dyà masaluka ke dyènzà cyòci aci. Ki ng'aci to. Bikèngela wikalè ne diitabuuja dishùwashùwàlè, dishindàme, dyà mu Bible, dyà Nyumà Mwimpè. Nwamònu anyi? Kacyèna, kacyàkunènga to. Kacyèna cinènga to.

⁸⁸ Ki bwà cinyi ndi mwà kusàkidila Mukalenge bwà mudìYe mungambùlwishe too ne mpindyewu. Dyo—dyo—dyondopiibwa didi dyanzèke ndya dishùwashùwàlè, bwalu ndiibakila bushùwà menemene pa EMU MMÛDÌ MUKALENGE WÀMBA. Nwamònu anyi? Ki bwalu kaayi neditwe makàsà panshi.

⁸⁹ Mpindyewu—mpindyewu, bu kàlaasà kakesè kàà Dyàlumingu, Mvwa mwindile ànu kasùnsa kàmwè, ngàakulangana neenù, too ne pàvwàbo mwà kupeta yàbò myaba, kusòmbapu, bwà twàmònaku bwà kupeta ditalala mpindyewu. Tudi ànu ne tusùnsa tukesè cyanààna, netùsambile, tubanga kusambila.

⁹⁰ Mpindyewu, ndi muswè bwà yònsò wa kunùdi nùtonde bilèma byènu kùdi Nzambi, ne nùlayè Nzambi ne nenùmusadile Yèyè ne kwenza cyònsò cinùdi mwà kwenza aci. Ne mpaasàtà ne mèmè netùsambile, ne kulwa kunùtentekela byanza, nènku nudi batwishùbwe bwà kwondopiibwa nwènù mwà kwitabuuja cyòci eci.

⁹¹ Mmunyi mùvwà bantu bàvwà bèndela ku mabaya à balèma abu, bampudi maci, ne tumama, ne bafofo, dyàlumingu dishàale mu mapingaja, babànde too ne ku cibumbà cyà ku cyambilu, bimanshe mabaya àbò à balèma awu; bàbànda ku cibumbà cyà ku cyambilu, mèsù matàbale, nudi bamanyè's, mùshindù awu? Nkàmà ne nkàmà yàbò! Too ne, mùmvwà mupòyòyònge, nkààvwa ànu bu wa bàmbula mwaba awu, mwimàne ànu kuulu, bàpita ànu kupita. Nwamònu anyi? Mulongo wà mufwànyine kuumuka apa too ne ku Cilongelu Citumbùke cyà ku Jeffersonville kwaka, pabwipi ne aku, kacya bèèla mulongo, bènda bàpìcila mu mulongo amu. Nènku ncyèna mumanyè ne kùdi umwe wabò, uvwa mupìcilemù, kàyì mwondòpiibwe to. Nwamònu anyi? Bwalu bàvwà balwè bashindàmèene pa diitabuuja dilelèlè, dishùwashùwàlè dyà Kilistò biikàle biitabuuja. Bòbò. . . Bivwa ne cyà kwenzeka.

Mpindyewu ìnyikaayi mitù yènù, muntu ne muntu, ngambùlwishaayiku bwà kubàsambidila.

⁹² Mukalenge Yesù, nyèwù tuKutwàdila, mu dindà emu, batèeleji bàdi biimàne mwab'ewu aba, bindile, ne màsaamà, banyongàme, bàna batàcishùbwe. Kabèèna ne ditèkemena nànsha dimwè to, bààbùngì bàà kùdìbo, Mukalenge, ku manga à bangàngàbukà, nangananga muntu ewu udi mulàale pa kalààlù kàà dibùnyà kàà babèedi. Bwalu bùdi ne anyi ngàsà Wèbè anyi

muntu ewu ùdi ùmuka pa buloba mu matùkù makesè emu. Ne kakùyì mpatà to, kùdi mwà kwikala bàmwè biimàne ku cyoshelu eku, ne disaamà dyà myoyi dibìndile, ne mabèèdi, ne binyongopelu bìdi bifwànyine kubàpandulula.

⁹³ Kùdi cintu ànu cimwèpelè, Taatù, cìdi mwà kubàsungila, mbwena kwamba ne, kuya dyàmwàmwà dyà byumvwilu bitaanu kaaba aka byà mubidi ewu, mùdi bangàngàbukà bateetè ne lulamatu lwònsò, kakùyì mpatà to, bwà kusungila mwoyi wàbò; màsaamà, kànsèrè, disaamà dyà cyàdi, disaamà dyà mwoyi. Nènku ne ditelakaja dyònsò edi, ne tulòndò, ne byamù, ne—ne—ne manga àdi àlwisha twìshì, misùmbà yà mwena lukuna mmidìsangìshemù, bwà kwangata mwoyi wàbò.

⁹⁴ Nènku ndi mwakùle patòòke, Mukalenge, ndi ngiitabuuja ne, mmwènenu Wèbè, kùdibo. Nènku mwà mùmve muntu wàkula mu myakulu mu dindà emu, ne ùfla dyandamuna, dyà civwà ne cyà kwenzeka leelù ewu. Bàmwè bàà kudìbo nebàcipete, Mukalenge, mu bushùwà. Ncyà bushùwà. Ndi nciitabuuja.

⁹⁵ Nènku mpindyewu, ànu mwàkafùndiibwabi mu Bible, ne Davidi, mwànà mukesè mulami wa mikòòkò, ùvwa ùlama mikòòkò yà tatwèndè, kuntwaku paanyimà pàà cipèèlà. Kàdi dīngà ditùkù nyamà wa ntambwe kulwayè kukwàta umwe wà bānà bàà mikòòkò yà tatwèndè, e kuya nendè lùbilu. Ki nsongàalùmè mukesè mulami wa mikòòkò awu, ne diitabuuja, ncinyi civwàye naaci bwà kulwisha nyamà wa ntambwe ewu? Kì cingoma nànsha butà to. Kàdi ùvwa ne ndundu mukesè wa nyuunyi, e kudimbatanganayè ne nyama wa ntambwe awu. E kushebeyayè nyama wa ntambwe awu, ne kwalukilayè ne mùkòòkò awu. Ours ùbwèlèlè e kukwàtayè ùmwè; wàkadimbatangana ne ours awu uvwa mwà kwikala mumusùnsùlwile panshì. Kàdi kàkatùma meeji ku bunène bwà ours to, anyi bukolè bwà nyama wa ntambwe, anyi lubilu lwèndè lukolè, anyi dibènga kukùmbàngana dyèndè ne ndundu wa nyuunyi.

⁹⁶ Kàdi pàvwàye mwimàne kumpalà kwà mfùmù Shawùlà awu, kwambayè ne: “Mwena mudimu webè ùvwa ùdiisha mikòòkò yà tatwèndè, ne nyama wa ntambwe kulwaye kukwàta ùmwè, e kupàtukayè lubilu. Ki mèmè kumudimbata e kwaluja mùkòòkò awu.” Yèyè ne: “Nzambì umweumwe wàkansungila ku cyanza, anyi ku dikamà dyà ours awu, anyi ku mbàngà yà nyama wa ntambwe awu, ùdi mwà kwangata kàbìdi mwena Peleshètè udi kàyì mutengula ewu kumufila mu cyanza cyànyì.”

⁹⁷ S’tudi bamanyè mwà kayà bwalu, ne wàkashipa; kushebeya muntu uvwa misangu yàbùngì, misangu yàbùngì munène mumutàmbe, ne mulwanganyi wa mvità. Cyàkapicila Shawùlà, mfùmù munène awu, muntu munène, wa makàndà, mùvwà mwànà mukesè wa balùme awu mwà kwikala ne diitabuuja dyà

mùshindù awu mu ndundu wa nyuunyi. To, kî mmu ndundu wa nyuunyi to, kàdi mu Nzambi.

⁹⁸ Mpindyewu, Mukalenge, bàdi biimàne banyùngùlukile cyoshelu eci, balààle mwaba ewu pa kalààlu kàà dibùnyà kàà babèèdi aka, mmikòòkò yà Nzambi, bânà bakesè bàà mikòòkò, mùtùdi mwa kwamba, kùdiYe. Mbakwàciibwe kùdi nyama wa ntambwe udi ubiikidiibwa ne kànsère, ours udi ùbiikidiibwa ne disaamà dyà cyàdi, makwàbò màsaamà àdi mabàkwàte, ne mabàbùcikile, ne mabàsùnsùlule tusunyatusunya. Mukalenge, nyèwù—nyèwù mbalondakaja, ne ndundu mukesè wa nyuunyi ùbiikisiibwa ne disambila dyà diitabuuja. Ki mbyàbùngì to, kàdi ndi mumanyè cikaadibi byenze. Ne ndi mumanyè ne ùdi ànu Nzambi umweumwe awu. Ndi nyilonda, mu dindà emu, bwà kuyàluja, Mukalenge, mu mpàta yà lutende lubishi lwà bukolè bwà mubidi, mpweka naayi ku màyi matalàle à ditalala, ne nyùmusha ku dipampakaja dyà meeji, bwà kukwitabuuja Wèwè.

⁹⁹ Nènku ndi mbalonda, ne cyà mvità cyÛvwà mufile bwà kubwelamù naaci. “Disambila dyà diitabuuja nedisùngilè babèèdi, ne Nzambi neàbàjuulè. Piikalàbo benze ní mpèkaatù kaayi, neàbàfwidilaye luse.”

¹⁰⁰ Nènku, Taatù, tudi tuya mpindyewu bwà katwilangana ne mwena lukunà, bwà katwilangana ne nyama wa ntambwe, bwà kutwilangana ne—dyabùlù mu mmwènekelu wònsò mudiye amu, ùbiikidiibwa ne kànsère, disaamà dyà cyàdi, kànsère kàà Hodgkin, disaama dyà mwoyi, disaamà kanà dyònsò dikwàbò. Tudi tulwa kumusangana, bwà kwaluja mwànà wa mùkòòkò ewu ku Nzùbu wa Nzambi kàbidi. Mu Dîna dyà Yesù Kilistò tuyààya, bwà kukwàta mudimu ne ndundu wa nyuunyi ewu ùdi Wèwè mutùpèèshe awu. Ikàlàku neetù, Taatù, patùdi tuseemena ne kaneemu kònsò Kùdi mpindyewu apa, mu Dîna dyà Yesù.

¹⁰¹ Ndi muswè bwà nùshaalè ne mitù yènù miinyika. Nènku tudi tulwa bwà kulaaba maanyi, ne kutentekela babèèdi byanza, ne disambila dyà diitabuuja nedisùngile mubèèdi. Mwena Kilistò yònsò munda emu, tèeka diitabuuja dyèbè ku mulongo wà babèèdi ewu.

[Mulongo wà babèèdi mmunenge tusunsa túsàtù ne citùpà, mèyi àbùngì à Mwanèètù Branham kaèna àjinguludiibwa to—Muf.]

Mu Dîna dyà Yesù Kilistò!

Mu Dîna dyà Yesù Kilistò!

Dîna dyà Yesù!

Dîna dyà Yesù Kilistò!

Dîna dyà Yesù!

Taatù, ndi ntàndisha dyabùlù! . . . ? . . .

Mu Dîna dyà Yesù Kelistò!

Mu Dîna dyà Yesù Kelistò! . . . ? . . .

Mu Dîna dyà Yesù Kelistò!

Lwâkù ùcitàbùjè . . . ? . . . ne necyènjiibwè! . . . ? . . .

Mukalenge, Wèwè . . . ? . . .

Nzambì . . . ? . . .

¹⁰² Mukalenge, Wèwè udi . . . Wèwè ngwâkafùnda mpùngà awu. Wèwè ki Cilongo cyà mu dîsù, Kelistò! . . . ? . . . Mu Dîna dyà Yesù Kelistò!

¹⁰³ “Disambila dyà diitabuuja nedisùngile mubèèdi.” Ndi muswè bwà Wèwè kumwenzelaci. Kumwaluja mukàji wa mubidi tumatuma! . . . ? . . .

Dîna dyà Yesù Kelistò, mwalùjè!

Mu Dîna dyà Yesù Kelistò, mwalùjè! . . . ? . . .

Mu Dîna dyà Yesù Kelistò alùja mwanèètù wa bakàji.

Mu Dîna dyà Yesù Kelistò, alùja mwanèètù wa balùme! . . . ? . . .

Mu Dîna dyà Yesù Kelistò! . . . ? . . .

Mu Dîna dyà Yesù Kelistò! . . . ? . . .

Mu Dîna dyà Yesù Kelistò! . . . ? . . .

Kùtu mwanji kucyènza to. Mukalenge àkubènèshè!

Ndi ndumbatangana naaci, mu dindà emu! . . . ? . . .

¹⁰⁴ Mu Dîna dyà Yesù Kelistò, ndi nkwaluja, ku disambila dyà diitabuuja, nkupàtula mu bupika! . . . ? . . . Tudi tusàkidila diitabuuja dyètù ku aa . . . ? . . .

Itabuuja nàka;

Ne mitù yètù miinyika mpindyewu. Mpindyewu:

Itabuuja nàka, itabuuja nàka,

. . . bintu bìdi mwà kwenzeka, itabuuja nàka.

Éyì Mukalenge, ndi ngiitabuuja, Éyì

Mukalenge, ndi ngiitabuuja,

Bintu byònsò bìdi mwà kwenzeka . . .

Twèlààyi ànu byanza byètù muulu cyanàànà mpindyewu.

. . . Mukalenge, ndi ngiitabuuja;

Éyì Mukalenge, ndi ngiitabuuja; Mukalenge,

ndi ngiitabuuja,


Bintu byònsò bìdi mwà kwenzeka, Mukalenge,

ndi ngiitabuuja.

¹⁰⁵ Taatù wètù wa mu Dyulu, aba bàvwà mwà kwimana kuulu, mbeebe byanza byàbò muulu, bwà ne mbaciitàbe. Mwanèètù wa balùme ewu uvwa mulààle mu kalààlù kàà dibunya kàà babèèdi awu, mmujuuke, bwà kuleeja ne ùvwa mwitàbe dyondopiibwa

dyèndè. Tudi twitabuuja, Mukalenge, bàdi bààlukila mu ditalala mpindyewu mu mpàta wa lutende lubishi wa ditalàji, ku kâlâ kwà mâyi matalale, bwà kwikala cyàkàbidì basangalè, mu Dîna dyà Yesù. Tudi tuKwela twasàkidila bwà cyôci aci. Amen.

¹⁰⁶ Èyo, Mwanèètù Neville, nênsòmbe kaaba aka bwà kukùtèèleja uyiisha mpindyewu.

¹⁰⁷ [Ku cibangidilu kwàkà mu diyiisha Mwanèètù Branham mutèèle “kantu kakesè kasàkidila” kàvwa Mwanèètù Thomas R. Nickel, Mufùndi wa Dîyi dyà Bantu bàà Èvànjeeliyò mu Kaabujimà, mutèèkè mu dibèji dyà kumpàla dyà cyena bwalu, cidi cyàmbe nùnkù: “BWA FÒTÒ UDI PAMUTÙ PÀÀ CIBWIKILU: Mu Matùkù à Bible, kùvwa bantu bàà Nzambi bàvwa bapròfetà ne bamònyi. Kàdi mu Majaadiki wònsò à Cijila, nànsha umwe wa ku bôbò abu kàvwa ne mudimu wà bwambi mupite wà William Branham nànsha, mupròfetà ne mumònyi wa Nzambi, mwena fòtò udi umwèka pa cibwikilu cyà pamutù pa ndongamu wa ku tudyòmbà wa Dîyi dyà Bantu bàà Èvànjeeliyò mu Kaabujimà ewu. Branham mmukwàta nendè mudimu kùdì Nzambi, mu Dîna dyà Yesù, bwà kujuula bafwè!”—Muf.] 

61-0305 Dyàmwàmwà Dyà Cilàmbà Cìkùdika Cya Cìkondo
Branham Tabernacle
Jeffersonville, Indiana États-Unis

CILUBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Dîyî dya bwena-cintu

Makenji ônsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwê anyi bwa kupeeshangana, kabiya bya mfranga to, bu cintu cya kutangalaja naaci Evanjeeliyo wa Yesu Kilsto. Mukanda ewu kawenaku mwa kusumbishiibwa, kuvudijjiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyi wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org